

伊健澳門開騷 Feanna攪亂檔

一反寡言常態變開籠雀



■鄭伊健連續跳唱多首快歌。



■伊健帶住小師妹 Feanna 開騷。

為了製造今次驚喜，Feanna 一個月前與樂手瞞住伊健偷偷綵排。當伊健在台上聽到突然轉了歌都呆了一下，但很快就回過神繼續揮手打拍子。完騷後經理人林珊珊亦問伊健為何如此冷靜？伊健笑說：「其實我太集中做嘢，反應唔切。我原本諗住唱完《一對對》（國語版《蟲兒飛》），承接浪漫氣氛同埋觀眾手機燈，畀佢唱《戀愛預告》，點知佢轉咗歌，做乜改歌唔話我知？（畀驚喜你嘛！）哈哈，不過真係好好聽，證明大家都好樂意參與呢次演出。」

過往伊健在台上較寡言，但這次音樂會卻像開籠雀，他解釋今次是「歌友會」，而非傳統形式演唱會，「唱過好多次《友情歲月》，今次全新版本作為Opening好特別，好有氣氛。」觀眾反應非常熱情，唱第二首歌《一起衝一起闖》就湧到舞台前爭相與伊健握手，又送上手幅為他打氣。

預告日本開唱有新構思

今次歌單主要是電影歌，又連續唱跳多首快歌，包括《興波作浪》、《友情歲月》和《極速》等。伊健說：「都幾激㗎，究竟我體能仲做唔做到呢？但我又好想做，好想大家睇到呢個表演感受到熱情。」

有傳伊健將於日本舉行演唱會，他承認有好多想法但未落實：「好多諗法，嚟緊呢幾個月辛苦陳光榮，要諗吓點樣做一個不一樣嘅演唱會。」

鄭伊健日前帶住小師妹黃淑蔓（Feanna），與音樂總監陳光榮的音樂團隊到澳門舉行一場「ENCOUNTER WITH EKin 遇見鄭伊健美高梅音樂會」，以伊健的電影歌重新編曲，全新歌單，令人耳目一新；期間 Feanna 亦為伊健準備小驚喜，原定唱《戀愛預告》突然變成《動地驚天愛戀過》，伊健見慣大場面處變不驚，事後 Feanna 問：「點解你咁冷靜㗎？」讓伊健哭笑不得。



■伊健對於觀眾熱情反應大表感謝。

陳自瑤直播崩潰吸氧爆喊

現年 43 歲的陳自瑤 (Yoyo) 近年除了拍戲本業外，亦北上密密發展帶貨直播，與視帝老公王浩信齊齊開拓內地市場。陳自瑤日前拍片自爆 2023 年剛開始做直播帶貨時壓力極大，努力達到外界期望的她嚴重到要吸氧兼崩潰爆喊！



■爆喊崩潰。小紅書

陳自瑤近日憶述在 TVB 的日子只顧努力演戲，入行 17 年終於奪得第一個獎項《最佳女配角》，但反思：「就這樣了嗎？」直至 2023 年 3 月她獲邀做人生第一場直播，首次直播睇到網民留言緊張又忐忑，為了直播努力讀熟厚厚一疊稿。她指突破舒適圈很累，「我也曾經累過、崩潰過、質疑過。」陳自瑤在影片中分享吸氧氣、爆喊及崩潰抓狂整亂頭髮、以及坐在地上放棄的片段。然而，陳自瑤成功突破自己，在內地逐漸累積人氣，參加綜藝《中國新主播》擔任評審，演出不同類型劇集。

■陳自瑤北上密密發展。資料圖片



龍婷西九騷唱盡年代金曲

一連三晚的龍婷「旅程 Story 演唱會」，前晚（18日）在西九文化區自由空間大盒舉行首晚演出，座無虛席，樂易玲、韋綺珊、中一生魏嘉信和申生劉洋也有現身支持。龍婷以一曲《不了情》為演唱會揭開序幕，之後一口氣唱了《明日天涯》、《讓一切隨風》和《夢中人》三首經典歌。

此外，龍婷更唱盡一眾天王巨星的經典作品，包括張學友的《李香蘭》、莫文蔚的《這世界那麼多人》、梅艷芳的《蔓珠莎華》、周杰倫的《龍捲風》、Beyond 的《海闊天空》和甄妮的《海上花》，令觀眾讚不絕口，掌聲不絕。最後她多謝公司在事業路上給予的支持，更以一曲《好歌獻給你》為首晚演出畫上句號。



■龍婷西九演唱會開鑼。